



"Kada nastupi ramazan..."

Ebu Hurejra, radijallahu anhu, prenosi da je Allahov Poslanik, sallallahu alejhi ve sellem, rekao: "Kada nastupi ramazan, otvore se džennetske kapije, a zatvore se džehennemska vrata, te šejtani budu povezani lancima." (Muttefekun alejhi)

[Vjerodostojan] [Muttefekun alejh]

Ebu Hurejra, radijallahu anhu, prenosi da je Allahov Poslanik, sallallahu alejhi ve sellem, rekao: "Kada nastupi ramazan, otvore se džennetske kapije, a zatvore se džehennemska vrata, te šejtani budu povezani lancima." U ramazanu se otvore džennetske kapije kako bi ljudi što više činili dobrih djela, poput namaza, sadake, zikra, učenja Kur'ana i sl. Džehennemska se vrata zatvore, jer se broj grešnika smanjuje u odnosu na vjernike. A šejtani budu povezani, tj. njihovi agresivni silnici, kao što se bilježi u drugoj predaji koju su zabilježili Nesai u "Sunenu" (2105) i Ahmeda u "Musnedu" (2/292). Albani veli da se radi o predaji koju podupiru druge predaje (vidjeti: "Miškatul-mesabih", 1/612). Dakle, najopasnijim šejtanima vezuju se ruke kako ne bi činili ono što inače čine. Sve ovo o čemu nas je obavijestio Poslanik, sallallahu alejhi ve sellem, istina je, i to je savjet koji je uputio umetu, kako bi ga podstakao na dobro i odvratio od zla. (Pogledati: "Šerhu rijadis-salihin", 5/273)

<https://sunnah.global/hadeeth/bs/show/10107>

